



Шогшо эл, порымиз да гим верг!

43-шо (3483) №,
2020 ий 24 октябрь,
шуматкече.

Будь готов/ ЯМДЕ-ЛИЙ

1933 ий 1 февраль годсек лектеш.

0+

Фотопроект



Л.ЮШАЕВАН фотоэжо.

Марий кундемын
100
Марий ЭЛ
Эргыже ден удрыжо

26 октябрь –
Школ книгагу-
до-влакын
тўнямбал
кечышт.



ПОДПИСКЕ

Снимкыште Волжский район Пётъял школын 7-ше классыштыже «4» ден «5»-лан тунемше Андрей НИКИФОРОВЫМ ужда. Рвезе почеламутым, сылнымутан произведений-влакым сылнын лудаш йората. Усталыкшым «Илыше классике» всероссийский конкурсын районысо этапшытыже терген, 3-шо верым налын. Андрей шкежат возкалш кумылан. 2019 ийыште «Марий Юнкор» регион-влак кокласе слётгышто лийын. «Кече-Солнышко» журналын Яныш Ялкайн лўмеш эртарыме республикысе литератур конкурсышто поэзий танасыште 1-ше верыш лектын. Школ книгагудо дене пентгыде кылым куча. «5-7-ше класслаште тунемше-влак коклаште эн шуко книгагудо лудеш, – ойла библиотекарь Т.В.Семенова (снимкыште). – «Йоча-влаклан книгагудо пөлекле» акцияшыке ушнен. Школ книгагудылан 5 книгагудо пөлеклен».


«Ямде лий» газетлан ПОДПИСКЫМ ыштыме йон-влак:

- 1) Электрон подпискым ышташлан 89027382237 номерышке 150 тенге пыштыза да yamde_lii@mail.ru адресшы лўмнердам возен колтыза.
- 2) Подпискым онлайн ышташ лиеш: podpiska.pochta.ru сайтыш пырза але «Почта России» мобильный приложенийым телефоншыкыда шындыза.
- 3) Верласе связь отделенийышке (почто) миен, газетлан возалтса.

Рекламе.

Индекс – П4696.
Ак – 366 тенгеат 72 ыр.

Порылык сенгемашым конда



Фотом Интернет гыч налме

Кежеж каникул годым йоча-влак яра жапыштым арам эртарен огытыл. Нуно «Порылыкын каникулжо уке» конкурсыш ушненыт. Тиде тагасымашым Российысе школьник-влакын толкынышт «Социальная активность» федерал проектын «Образование» нацпроектше радамыште эртара. Российын түрлө кундемже гыч конкурсыш ушнышо 8-17 ияш тўжем утла тунемше кокла гыч 30 ўдыр-рвезе сенгышыш лектын. Нунын коклаште – Йошкар-Ола гыч Ян Речкин (снимкыште).

Ян 9-ше номеран школышто тунемеш, «Лагуна» йоча ушемывн чолга участникше. Рвезе конкурсышто темлыме вич направлений кокла гыч «Ен-влаклан полышым пуымаш» темым ойырен да кежеж мучко поро пашам шуктен. Йочасадлан, шонгыен-влак-лан полшен, поро кумылым ончыктышо фонд дене кылым ыштен да тулеч моло сомыл лынг лийын. Ян поро пашаж дене йолташыже-влакын кумылыштым савырен, йырже чумырен. Илышыште порылыкын, келшымышын кўлешлыкыштым, вийыштым умылаш туныктен.

Л.ГРИГОРЬЕВА.

#РегионДобрыхДел конкурсым иктешлыме почеш, 2021 ийыште Медведево, Морко, Советский, Звенигово районлаште, Волжск ден Козьмодемьянск олалаште добровольческий рўдерым почыт.

Тўзлане, РДШ!



Тений Росси-йысе школьник-влакын толкыныштлан 5 ий темеш. Тиде пайремлан Шернур районусо штабат кыртмен ямдылалтеш. Кызыт ме онлайн йон дене видео-саламлымашым ямдылена. Йолташна, вуйлатыше-влакым тиде пайремдене шокшын саламлена! Тўзлане, куш, РДШ!

Дима ВЕДЕНЬКИН.

1-ше номеран Шернур школ.

Мотор школна

Мемнан школна кок пачашан, мотор, кугу. Тушто поро кумылан туныктышо-влак пашам ыштат. Мый нуным моткоч пагалем. Кажне кечын школышко куанен вашкем.

Дина ПЛАТУНОВА.

Кужэнер, Руш Шой.

Сенгемаш

Волжск ола гыч 9 ияш Вячеслав Томчак Владислав Крапивин лўмеш сылнымут конкурсышто 7-10 ияш-влак коклаште кумшо верым сенген налын. Тыгай конкурсым Моско оласе Сенгемаш тоштер эртарен. Тагасымашке Российын 22 регионжо гыч 200 утла тунемше ушнен. Ўдыр-рвезе-влак келшы-маш, ўшанле улмаш да чын йолташ нерген сочиненийым возеныт.

Коронавирус леч аралалтса!



Киддам мушде, шўргыдам ида тўкале.



Маскым чийыза.



Ен-влак дене 1,5-2 метр дистанцийым кучыза.



Пеленда антисептикым коштыктыза.

«Илыше классике-2021» всероссийский конкурсум увертарыме. Конкурсышто проза дене возымо сылнымут паша гыч ужашым рушла лудман. Тушко 5-11-ше класслаште тунемше ўдыр-рвезе-влак ушнен кертыт. Кумылан-влаклан 2021 ий 25 январь марте www.youngreaders сайтыште регистрацийым эртыман.

«Ўдырсий» регион-влак коклаше конкурстеный онлайн йон дене эртаралтеш. Тагасымашке 18-25 ияш ўдыр-влак ушнен кертыт. 27 октябрь марте mari-centr@mail.ru электрон адресыш йодмашым да видеоматериалым колтыман. Иктешлымаш 30 октябрьыште лиеш. Конкурс нерген тўрыс уверым Марий тўвыра рўдерын сайтыштыже савыктыме.

24-31 октябрьыште Финанс грамотность всероссийский арня эртаралтеш. Тунемше, студент, кугыен-влак коронакризис жапыште финанс йодышлам чын рашемдыме нерген увер-влакым пален налыт. Арня Еш финанс фестиваль дене почылтеш. Тушто 50 наре мероприятий лиеш. Тўрыс уверым Марий Эл Республикысе образований да науко министерствын сайтыштыже ончыза.

Самырык театрлан – куру ѳшан

19-23 октябрьште Йошкар-Олаште Российысе Самырык театр-влакын икымше фестивалышт эртаралтын. Тудын темыже – «Современная пьеса для детей и юношества». Фестиваль Марий Элын 100 ияш лўмгечыжлан пўлеклалтын. Марий самырык театрын сценыштыже Йошкар-Ола, Чебоксар, Уфа, Озан, Рязань олала гыч театр-влак усталыкыштым ончыктеныт. Нуно кызытсе драматург-влакын произведенийышт почеш шындыме эн сай постановкыштым аклымашке луктыныт. Тўрлў номинацийыште сенгыше-влакым палемденит.

– *Йоча да подростково-влаклан профессиональный театр-влакын пашашт тўнямбал сымыктышыште кўжышын аклалтеш,* – саламлен

Марий Эл Республикым Вуйлатыше А.А.Евстифеев. – *Самырык театр-влакын – ике ончышышт. Сандене нунылан куру ѳшан: кушкын шогышо самырык тукымым аручонаным, поро койыш-шоктышаным куш-*

таш полшаш, патриотизм шўлышым вияндаш.

Арамлан огыл тыгай фестиваль Марий Элыште эртаралтеш. Росстатын уверже почеш, Марий Эл театрыш коштмо дене Российыште нылымше верым айла, а Юл кундем федерал округышто – икымшыым. Республикыште илыше-влак театр-влакын пашаштым пагалат да кўжышын аклат.

Фестивальыште тарватыме теме эн пўсў да кўлешан. Кызытсе драматургий деч посна кечмогай театр ончыко виянын, сенгымашке шуын ок керт. Лач у шонымашан, у сынан спектакль театрлан у шўлышым пурта, ончышо-влакым йўрже пога.

Л.ГРИГОРЬЕВА.

Снимкыште: Марий Эл Республикысе тўвыра, печать да калык-влакын пашашт шотышто министр К.А.Иванов фестивалыым почмо годым.



Фотом Интернет тўч налме



Пўртылташ ыле кенезым

Июнышто ачам-авам дене теңыз серыш канаш миенна. Дельфинарийыште, зоопаркыште, аквапаркыште лийынна. Тале йўр годым каткалалтше пушенге укшла гыч изи пўртым чоненна. Тыгак футболла, волейболла модынна. Августышто ялыш кочам-ковам дек унала миенна. Тушто ушкалым лўшташ, чывиге ден лудиге-влакым пукшаш тунемынам. Колым кучымаш поснак шарналт кодын. Кочам энгырварам шке ыштен. Икымше гана колым кученам! Пўртылташ ыле кенезым.

Рома БАСТРАКОВ.

Кужанер школ.

Ўшанле йолташ

«Илышыште йолташ кўлеш мо?» – тиде йодыш вуйыштем эре пўрдеш. Мыйын шонымаште, воктенет ўшанле еҥ уло гын, илаш куштылгырак. Мыйын йолташем – Антон. Тудын дене ме 5 ияш гычак келшена. Ончыч уремыште пырля модмо. Кызыт школыш коштына, икте-весеулан тунемаште полшена. Антон – пеш сай, ушан, тыматле рвезе. Ўшанем, ме ончыкыжымат келшаш тўналына.

Анна ВИНОГорова.

Звенигово, 2-шо №-ан Красногорский школ.



Шымлызе да артист

Шернур район Мари-сола школ гыч Никита Вайшев (снимкыште – марий йылмым да литературым туныктышо С.М.Максимова дене пырля) тўрлў конкурсышко ушна. «Тоштер лудмаш» районысо конкурсышто «Кумалтыш атыла» пашаж дене икымше верым налын. Никита кумалтыш годым кучылтмо кўмыж-совлам шымлен. Эше ик пашаже кудыр лилий нерген лийын. Тиде пелдышым Йошкар книгашке пуртымо. Никитан ойлымыж почеш, кушкыл Тулгем ял кумдыкышто шочеш. Рвезе шкенжым артист семын терга. «Яков Майоров-Шкетанын «Якшывай» повестьыште Якун рольжым модынам», – ойла Никита.

Х.АЛЕКСАНДРОВА.

Палаш огай

Книгам лудмо дене айдемын организмже самырыкештеш, вуйушыжо сайын пашам ышта.



Е.ИВАНОВ фотогожо

«Ямде лий» 2020 ий 24 октябрь



Ўдыр-рвезе-влакым изинек пүртүсүм аралаш тунукташ, экологий дене тўрлў шымлымашым эртараш шоньмаш дене Волжск олаште Экологий рўдер пашам ышта. Тудым М.В.Мичукова (снимкыште – икшыве-влак дене) вуйлата.

– Марина Валентиновна, рўдерыште йоча-влакым могай пашалан шўман-деда?

– Ныл направлений дене пашам ыштена: естественно-научный, социально-педагогический, художественный, технический. Естественно-научный направлений кышкарыште «Юный эколог», «Природа вокруг нас», «Основы экологии», «Экология сообществ живых организмов», «Супер Исследователи», «Экология в загадках», «Увлекательная химия» ушем-влак улыт. Социально-педагогический направлений «Экоша» (Юнкоры), «Экотейтр», «Комната школьника: уголок живой природы» да моло ушем-влакым уша. Художественный направленийыш «Юные дизайнеры», «Волшебная глина», «Бумажная пластика», «Выжигание и художественная роспись» ушем-влак пурат. Икшыве-влак верысе пўртўсым шымлаш, аралаш,

химий дене изирак опыт-влакым эртараш, чодыраште шкем кучаш, туристын арвержым погаш, пўртўс материал гыч тўрлў кидпашам ышташ да молыланат тунемыт. Рўдерыш 600 наре ўдыр-рвезе коштеш.

– «Успех каждого ребёнка» федерал проект дене пашам ыштеда. Могай у программе-влакым илышыш шындареда?

– Тиде проектлан кўра вич у программе шочын. Тиде «Фенологические наблюдения в лесной экологии» (10-13 ияш ўдыр-рвезе-влак-лан), «Лес в современном мире» (11-16 ияш-влак-лан), «Будущие лесоводы» (12-14 ияш-влак-лан), «Мы изучаем лес» (13-15 ияш-влак-лан), «Химия окружающей среды» (12-15 ияш-влак-лан), «Сохраним природу края» (15-16 ияш-влак-лан).

– «Цифровой музей природы» проектда онай. Тудын дене палдарыза.

– Экологий рўдер пеленысе тоштер 1998 ийыште почылтын. Тудым Светлана Юрьевна Савицкая вуйлата. «Юный энтомолог» кружокыш коштышо

йоча-влак Максим Аркадьевич Николаевын вуйлатымыж почеш шукш-копшангым, нунын нерген материалым погат, шымлымаш пашам эртарат, конференциялашке, слётлашке ушнат. Экспонат-влакым тўнян кеч-могай верже гыч ег-влак ончен кертышт манын, цифровой музейым ышташ шонен пыштенна.

Х.АЛЕКСАНДРОВА мутланен.

Йырвелым шымлат



Фотом рўдерын архивше гыч налме.

Морко район Коркатово лицей гыч возат.

Шўлыкан пагыт

Шўртнў шыже – шўлыкан пагыт. Шулдыран йолташна-влак шокшо вельш чонештен каеныт. Нунын сылне мурышт деч посна мыланна йокрок. Телылан кодшо кайык-влак-лан тений кочкыш лынак шочын: пызлыгычат, поланат шуко.

Ангелина ИВАНОВА.

Шыже игече пешыжак огеш куандаре. Чўчкыдын пыл-влак ийын эртат, йўштў йўр опталеш. Мыланем поснак шыже йолгорно келша. Тунам мландымбалым шўртнў тўсан лышташ-влак леведыт. Тыгай-жым еше кунам ужат?!

Виктория ИРБИТОВА.

Чодыраш каем,
а шке шонем:
Пўртўс моткоч поян улеш!
Куандарышаш манын шонен,
Саскам куштен шога уэш.

Шинчат шарла, а кид пога.
Айдемын кумылжо кўза.
Лиеш виан марий чодыра.
Тек калык тудым арала!

Ирина ПЕТРОВА.

XVIII курым
Палаш онай
марте Русьышто шыже
1 сентябрьыште огыл, а
23 сентябрьыште
тїналын да 25
декабрьыште
мучашлалтын.



Медведево район Руэм кыдалаш школышто «Осенние мотивы» конкурс эрталтын. Йоча-влак, тўрлў йўным кучылтын, пўртўс материал гыч онай композиций-влакым ямдыленыт. Снимкыште 2-шо «Б» классыште тунемше Настя Гециум ужыда.

Л.ИВАНОВАН фотожо.

Пүртүсышкө лекса

Толын шу шөртнө шыже.
Оралген шуко пушенге.
Ужар мландынат ынде
Түсшө лие нарынче.
Чүчкыдынак йүр йүреш,
Лывыла лышташ велеш.
Чыла вере лавыран,
Кава пүтынек пылан.
Шуко кайык чонештен,
Кечывалвельышке каен.
Пүртүсышкө чылан лекса,
Шыжылан куаныза.

Оля СТЕПАНОВА.
Морко, Шап Унчо.



Юля ПАЖБЕКОВАН
сүретше.
Татарстан,
Агрыз, Буймо.

Шыже могай түсан?

Каждне икшыве шыжым шке семынже акла. Теве Йошкар-Оласе 80-ше номеран йочасадыш коштшо икшыве-влак тыге ойлат.

Василиса ЕРШОВА:

«Шыже – шөртнө түсан, поян пагыт. Шке лектышыже дене калыкым куандара. Тений кенеж гоч тыршымышт арам лийын огыл».

Полина МАРКОВА:

«Шыже понган, олман да «тамле». Мый авам дене пырля чодырашке кошташ йоратем. Шыжым олмапун лышташыже-влак ужаргын, нарынчын, күреналгын койыт».

Яна БАРЦЕВА:

«Шыже мотор, чевер. Пуйто сүретче түрлө түсан чия дене чиялтен. Нимогай йүрат мушкын колтен огеш керт».

Настя ПОЛИКАРПОВА:

«Мый шыжым чевер түсаным ужам. Корно воктене кушшо пызле-влак торашке тулла койын волгалтыт».

Ксюша ВЕЛЕРНИКОВА:

«Лышташ-влак мландымбаке шыман велыт. Нуно нарынче түсан улыт. Мланде нарынче түсан тошак гае коеш».

Н.ГОДУНОВА ямдылен.

*Пушенге
лышташ парча
гыч саргая –
шыжым лум вайке
толеш.*

*Меран вайке ок
сурем гын, шыже
суйнышо лиеш.*

*Куку Яетро кече деч
вара мура гын, шыже
кужу да лавыран
лиеш.*

*Яокро кече деч
вара кум кенеж
кече лиеш.
Калык пале.*

Пушенге – айдеме-онар

Мый Кожлаерыште илем. Ялемым чыла могырымат чодыра авыра. Мыланем тыге чучеш, пуйто пушенге-влак айдеме-онар улыт. Нуно виян онышт дене ялемым чыла осал деч арален шогат.

Чодыран моторлыкшым кужу жап ончаш лиеш. Кожерыште улшо кажне пушенгым да вондерым изи азала шыматыме але вүчкалтыме шуэш. Чодырашке мийыдем годым тыгак ыштем. Вуйыштым гына шыматен ом керт. Тидым лач ший пүян Ший Пампалче ыштен кертгын. Мый тыглай марий ұдыр улам, но ушем дене Юмынұдыр семын тылзышкат нөлталт кайыдем шуэш.

Яна ДМИТРИЕВА.
Морко район.

*Шоналтыза, нине
сүрет-влакым
мо уша?*



Мый кож укш, тумо лышташ да пүгыльмө-влак гыч «шыже чодырам» ыштенам. Тудо Пармар книгагудышто калыкым куандара. Йоча-влак, теат тыгайым ыштен ончыза.
Даша КИСЕЛЕВА.
Волжский район.



«Ямде лий» 2020 ий 24 октябрь

5



2019-2020 ийлан Марий Эл Республикын Олык Ипай лӱмеш Кугыжаныш молодёжный премийжым пуаш темлыме претендент-влакын пашаштым канашымаш кая. Кум номинацийышке: литератур, искусство да архитектура; наука, технике да производство; социально кӱлешан да мер паша – 35 проект дене 53 претендент ушнен.

Пӱртӱс пуымо усталыкше лын

Нунын коклаште – «Ончыко» журналын тӱн редакторжо И.Г.ПОПОВ (снимкыште).

Игорь Геннадьевич 2018 ийыште савыкталтше «Почомсатым» почеламут сборникше дене темлалтын.

– *Еш айдемын пӱрымышытыже кугу верым айла, маньт. Тый кузе шонет?*

– Мый У Торъял районысо Човыксола ялыште шочын-кушкынам. Ачам Геннадий Андреевич – шофёр, авам Лидия Петровна – доярке.

Мӱнгыштына книга, журнал, газет эре шуко лийын да кызытат уло. Ачам ден авам мыйым да акамым туныкташак тыршенят. Шкештат сылнымутлан шӱман улыт, лудаш пеш йӱратат – мемнамат кумылан денят. Акам гын, школыш кайымекеже, мыланем, ныл-вич ияшлан, книгагудо гыч сӱретан изи книга-влакым лӱмынак нумалеш ыле. Варажымат туныктен, марий йылме да литератур дене олимпиадылан мӱнгыштат ямдылен. Тидыже Марий кугыжаныш университетыш тунемаш пураш сай полыш лийын. Арам огыл акам ынде шкежат – «Ирина Геннадьевна»: Немда школышто англичан йылмым туныкта. Чылажат еш гыч тӱналеш.

– *Поззийыш икымше очкылым кунам ыштенам?*

– Почеламутым возаш Немда школышто тунеммем годым тӱнгалынам. Тӱнгалтыш классыште туныктышем Надежда Ивановна Терехова шочмо ял нерген возаш мӱнгысӱ пашам пуэн ыле. Тунакам возымемым «Ямдей» газетыш колтеныт. Возымо паша келшен, витне, эше да эше серенам. Варажым Лидия Анатольевна Садовинан вуйлатыме юнкор кружокыш коштынам. Туныктышем-влаклан таум ойлем.

– *Шарнем, варажым тый чолга юнкор семын Антонов Ивук лӱмеш премий дене палемдалтыч.*

– «Ямдей» газет нерген ойлаш гын, тудо кызытсе шуко (кажне гаяк) поэт-писатель-журналистлан трамплин лийын. Мыят ӱрдыжеш кодын омыл. Тӱн редактор Л.В.Семенован серышыже-влак, юнкор слёт-влак, Антонов Ивук лӱмеш премий, юнкор йолташ-влак – чылажат мыйым, тачысе Игорь Поповым, ненчаш полшен.

Л.ГРИГОРЬЕВА.

«Мый отым куштынем пасушто»

Морко район Изи Корамас ялын ӱдыржӱ, поэт, мурызо, «Кугарня» газетын пашаенже Алёна ЯКОВЛЕВАМ (снимкыште) шукын палат. Тудын почеламутшо-влак «Марий сандалык», «Ончыко» журналлаште, «Марий Эл», «Кугарня» газетлаште, тӱшка сборниклаште, «Эрвий» альманахыште савыкталтыныт. Икмыняр произведенийжым руш йылмыш кусарыме да «Край соловьиный» альманахыш пуртымо. Тудын мутсаскаже-влакым эстон, финн, венгр йылмылаш кусарыме.

Алёна Яковлева «Ончалтыш» икымше поэтический сборникше дене тагасы-машке ушнен.

– *Икымше почеламутет кунам шочын?*

– Тӱнгалтышым ачам-авам пыштеныт, йолгорным виктарен колтышыжо туныктышем лийын. Икымше почеламутем авамлан пӱлекленам. Тудым мый 6-7-ше класслаште тунеммем годым сочинений олмеш возенам. Арын школышто марий йылмым да литературым туныктышо Любовь Ивановна Александрова сылнымут шӱлышан, возаш кумылан ден моштышо ыле.

– *Варажым сборниклан ситышым чумыренат.*

– Мыйын шонымаште, чылажат йылмым йӱратымаш гыч тӱнгалын. А йылмым палаш да пагалаш ешыште тунемына. «Ончалтыш» книга С.Эсаулова лӱмеш сылнымут фонд полшымо дене лектын. Тушко шӱдӱ утла почеламут пурен, кум ужаш гыч шога. Еш, ава, икшыве, йоча пагыт, йӱратымаш, ылыш нерген шонкалаш таратыше почеламут-влакым чумырымо.

– *Тый тыгак йоча-влаклан келшыше почеламутым возет.*

– Шке жапыштыже мый йочасадыште пашам ыштенам. Категорийым аралашлан «Роль пальчиков в развитии речи ребёнка» проектым рушла ямдыленам. Йоча-влакын йылмыштым виандымаште парня дене модыктымашын пайдале улмыжо нерген пален налынам. Вара, шкежат ава лиймеке, икшывем-влакым модыкташ тӱнгалынам. Тыге почеламут корныла возалтыныт.

Е.ИВАНОВА.

Куэрласе кайык деч мый тунемым
Муро семым шӱм-кылыш погаш.
Олык Ипай.

28 октябрь – Анимацийын тўнямбал кечыже.



Аниматор улам

Коқымшо ий мый аниматорлан пашам ыштем. Паша моткоч онай да пайдале. Йоча-влак куанат, а мыйын кутырымо йылмем лывырга. Мый онай конкурс-влакым эртарем, мурыктем, куштыктем. Ик мероприятият муру деч посна ок эрте. Умбақыже кушкаш да тиде ала-ныште тыршаш шонем.

Дима ВЕДЕНЬКИН.

Шернур посёлко.

26 октябрь – Кавунын кечыже.



Сўретым чиялтыза.

«Ассамбляж» мутым француз йылме гыч кусарымеке, «монтаж, погаш» манмым ончыкта. Кўлдымó арверла гыч тўрлó сўретым, открытым, шондыкым да молымат ышташ лиеш. Ассамбляж техникым Марсель Дюшан икымше гана кучылтын. Тудо велосипедын ораважым пўкеныш пижыктен. А 1953 ийыште Жан Дюбуоффе терминим илышыш шынгарен. Тачысе кечын ассамбляж йон почеш тўрлó арверым веле огыл ыштат, тыгак пóрткóргым сóрастараш кучылтыт.



Е.ИВАНОВА ямдылен.

Аныклыза



28 октябрь – Кова ден коча-влакын кечышт.

Комсомол ковам

Икмыняр ий ончыч 29 октябрьыште Комсомолын шочмо кечыжым палемденыт. Мыйын ковадат, Антонида Анатольевна Дудина, комсомол радамыш 14 ияш улмыж годым пурен. ВЛКСМ член лияш манын, пионер лийман, сайын тунемман, пашам кыртмен ыштыман, ВЛКСМ-ын уставшым палыман улмаш. Комсомолыш пурымаш пайрем гай лийын. Комсомол билетым кидыште кучымыжак мом шоген! Тудын комжо йошкар тўсан да Лениным сўретлыман – Кугу Октябрь революцийын тулжым шарныктарен.

Кирилл ФОМИНЫХ.

Кужэнгер тўн школ.

«Ямде лий» 2020 ий 24 октябрь



Индекс: П4696.
Тираж 1150 экз. Заказ
Формат – А-4-8.
Тўн редактор олмеш
Л.Н.ГРИГОРЬЕВА.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rp

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым редакцияште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиим аралымаште законодательством шуктен шогым эскерше Федеральный служын Приволжский федеральный округысyo управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакциянын шонымашышт тўрлó лийын кертыт. Серыш-влак монгеш огыт колталт.
Ак – кутырен келшыме почеш.

Редакциянын да издателыне адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пóрт.
Тел. 8(8362) 45-22-82(факс)

Конкурс


«Ямде лий» дене



Оля СТЕПАНОВА.

Морко, Шап Унчо.

Ик шырпым верже дене вашталтен, чын вашмутым ыштыза.



Кроссворд

Шомак-влакым марлаш кусарыза.

К

- 1.Юг. 2.Рыба.
- 3.Огурец. 4.Мышь.
- 5.Солнце. 6.Хлеб.
- 7.Коричневый.
- 8.Синий. 9.Гусь.
- 10.Дорога.

Юрий МОЧАЛОВ.
Советский, Ёрша.

Ял, села да посёлко-влакын могай район гыч улмыштым палыза.



«Ямде лий» 2020 ий 24 октябрь

Мо мом кочкеш?



Тушто-влак

Вјд улам, вјдышто иям.

Тып игече – ме шыллына. Мардеж пуалже веле – вјд мучко куржына.

Йырым-йыр вјд, а йјааш огеш лий.

Мурымемлан кѳра умбачынак паледа.

Большие гастроли

23-25 октября
Театр на Соборной
(Рязанский государственный областной ТЮЗ)
на сцене Марийского театра юного зрителя

23 /пт/ ОКТЯБРЯ 18.00
Господа Головлевы. Маменька
По мотивам романа М.Е. Салтыкова-Щедрина «Господа Головлевы»

24 /сб/ ОКТЯБРЯ 11.00
Золотая рыбка
Русская народная сказка

24 /сб/ 25 /вс/ ОКТЯБРЯ 18.00
№13
Комедия

25 /вс/ ОКТЯБРЯ 10.00, 13.00
Царевна-лягушка
Сказка

Художественный руководитель - заслуженный деятель искусства РФ и РМЭ
Справки по телефонам **Олег Иркабаев-Этайн**
30-46-80 30-46-70 Касса работает: с 10.30 до 18.30 www.mari-tuz

Интернететсе сјрет-влакым кучылтмо.